

Koela nginten, boten sandé ing
gih badé toemindak makaten. Mangg
dipoentitèni kémawon!!!!!!!!!!!!!!
TRENGGANA.

MOTIE P. P. K. D. Afd. SOERAKARTA.

Rapat anggota P. P. K. D. (Pakempalan Politik Katholik Djawi) pada hari 15 bulan Juni 1930, yang dilangsungkan di vergaderzaal R. Kath Europeesche School Mulweg Soerakarta, mendengar

pembijaraan-pembijaraan dalam rapat tersebut tentang hal end-conclusie dari Holl. Inl. Onderwijs Commissie dan pendapatan Verbondsbestuur P.G.H.B. akan hal itoe,

menimbang, bahwa pendapatan Holl. Inl. Onderwijs Commissie itoe semata-mata merintangi kemadjoeran raiat Indonesisa yang pada waktu ini kelihatan sangat haoesnja kepada pengadjaran yang sempurna, mendengar,

bahwa Verbondsbestuur P.G.H.B. (Perserikatan Goeroe Hindia Belanda) di Soerakarta telah membocor motie ta' setoedjoen akan pendapatan Holl. Inl. Onderwijs Commissie,

memoetoes,

a. menerangkan setoedjoenja kepada motie P.G.H.B. tersebut.

b. menjampaiakan motie P. P. K. D. afd. Soerakarta ini kepada Verbondsbestuur P. G. H. B. di Soerakarta dan menjarkan motie ini kepada pers. dan melandjoetkan pembijaraan.

KABAR SAKING K. B. BLITAR.

Remembagan ing parepatan warga Kweekschool Bond Blitar ingkang sampoen kapengker poenika, ingkang patoet koela tjatet ing riki i. p. motie bab particuliere onderwijzers (essen). Poenika kenging koela tjekak makaten:

Katah goeroe sekolahan partikelir ingkang roemaoos boten gadah pangadjeng-adjeng minggah pangkat dados: schoolopziener, djalaran vereeniging-vereeniging waoe boten sami ngwontenaken opziener pi-jambak, awit sekolahan partikelir ingkang pikantoeq subsidie sampoen kapriksa déning ingkang wadib saking goepmèn.

Kadjawu poenika Kg. Goepmèn ngantos sapriki boten naté moendoet goeroe saking sekolahan partikelir kadadosaken Schoolopziener; kang mangka pengadjeng-adjengipoen sadèrèk wedalan kweekschool namoeng dados poenika. Dados jèn makaten pangadjeng-adjengipoen sadèrèk goeroe ing sekolahan partikelir nihil.

Margi poenika ladjeng katah ingkang njoewoen dateng Goepmèn, nilar sekolahan partikelir.

Inkang makaten waoe ndjalari soesahing sekolahan partikelir, kepksa ngoeopados goeroe énggal malih. Soepados prakawis ingkang makaten waoe sageda sirna, K. B. Blitar oesoel dateng V. B. P. G. H. B., njoewoena dateng Goepmèn: soepados goeroe-goeroe wedalan Kweekschool ingkang moelang ing sekolahan partikelir, ingkang pikantoeq subsidie djangkèp, (tegesipoen jèn H. I. S. inggih subsidie H. I. S., Standaard-school subsidie Standaard-school lsp.) sageda kadjoendjoeng dados schoolopziener déning kg. Goepmèn.

Saking panginten koela saged oegi, djalaran Inspectie inggih ngoeningani kawontenaning goeroe-goeroe ing sekolahan partikelir ingkang pikantoeq subsidie.

Koela namoeng toemoet ndongak-ndongakaken.

Heriot ing ngandap ketèwèl.

VARIA.

POENAPA AJEM SAËSTOE?

Koela sampoen naté njoemerepi wonten prijantoe (kagolong agoeng) ngatoeraken kawontenanipoen bahawipoen wonten ing ngarsaning pangnggilanipoen. Makaten atoeripoen:

„Dalem ngatoeraken kawontenaning kanta alit ing bawah dalem, soepados andadosna kawoeningan Dalem.

Menggah gesangng kanta alit ing gegebangan dalem ngriki kenging kawastanan sakétja, ajem tentrem, boten naté kekiranngan teda. Katanda saben doesoen sampoen gadah banda ingkang kalangkoeq katah, ingkang sami kasimpen ing kantor bang. Kadosta: Ing doesoen Anoe tjelènganipoen samanten ewoe, doesoen Anoe samanten ewoe enz, enz, sadaja doesoen goenggoeng kempal gadah tjelèngan samanten atoes ewoe.

Poenika dèrèng ingkang woedjoed pantoen wonten ing loemboeng; sadaja goenggoeng samanten ewoe datjin.

Katahing: Lemboe dasa, maesa dasa. Saladjengipoen ngantos anggaloe. Sadaja namoeng

woedjoed kasaénan, boten wonten awonipoen.

Goemoen koela poenika gèk perloenipoen kèwawon poenapa? Djer barang saé poenika boten perloe katjoengoeq-tjoengoeaken rak inggih badé katingal pijambak.

Njatanipoen anggepipoen ingkang ngatoeraken waoe: Nèk akoe matoer mangkéné mesti bandjoer tanpa dawoeh: „Goed, kowé bolèh diharap naik pangkat.”

Oepami koela ingkang dados pangnggilan boten makaten. Ingkang koela tingali boten tjelènganipoen doesoen-doesoen: nanging:

a. Kantor bang. Saben taoen bebatènipoen sahohah. Genah kanta alit sregep andjempol (njamboet bang). Kados - poendi gesangipoen tjang ingkang kerep pados samboetan. Rekaos, prijantoe.

b. Grija pagantos. Saben taoen batinipoen satekroek. Tjeta kanta alit sregep toewi pak Gedé. Rekaos poenapa boten prijantoe?

c. Loemboeng doesoen. Saben pantoen kawedalaken (kasamboetaken), tjang-tjang kemroeboet. Sakedap kèwawon bet; bet; telas, kapara kirang. Poenika inggih kenging kanggé titikan kados - poendi gesangipoen kanta alit.

Wasana masa borong.

P. T. T.

KAWONTENANING OEMOER-OEMOERAN.

Wantjinipoen manoesga wiwit lair wonten ing donja doemoegi sepoeh poenika, jèn dipoentitèni, wonten péranganipoen:

1. Goemlitis, tjemoetjoet, koemratoe-ratoe lsp. (sataoen 8 taoen).

2. Toewoeh boedi. (9 doemoegi 16 taoen).

3. Ngangkat brahi. (birahi) 17 doemoegi 24 taoen. Kadosta: brahi njandang - nganggé lan sapanoenggilanipoen.

4. Mempeng oetawi moeseng dateng kadonjan. (soegih) 25 doemoegi 32 taoen.

Tjemoetjoet inggih saweg loetjoe-loetjoeipoen, (sadaja tjang soemerep seneng) sapolah - tingkahipoen boten wonten ingkang dipoenwani. Koemratoe - ratoe, tansah badé prèntah.

Goemlitis inggih poenika, tansah tis-tisan, boten saged kèndel. Tjak-tjek, mak-mek. Wonten poenapa-poenapa koemédah - kedah mendet. Trekadang beling, (petjahan gendoel, glas) dipoen-gémbol. Rongèh boten saged anteng, tansah sil-silan. Klampah oegi sok saged damel pitoena, ngrisakaken. Oepami: mendet gradji oetawi lading, sandjangingipoen badé ndandosi koersi oetawi sanèsipoen. (Dados antawisipoen 1 doemoegi 8 taoen wonten wantji ingkang kawastanan: roemoesak tangnan). Ingriki tjang sepoeh kedah awas, sampoen katlompèn; nanging sampoen sereng-sereng.

Mila, kados laré jèn kaliten (kè-nèmen) sampoen mlebet sakolah, kapinteranipoen mesti kantoen kalijan ingkang sampoen langkoeng sepoeh, awit sapolah - tingkahipoen kapenggak lan kerèh, boten kenging boten, kedah manoe oetawi noeroet. Nanging sakedèp nétra kèwawon sampoen sasat boten mradoeli. (adakanipoen dados malah gebleg).

Ing mangka kados-poendi, sapoenika laré wiwit oemoer 6 taoen, teroes kawoelang (tanpa Frobels roemijin). Tjebi kawaspadakna, laré oemoer 1 doemoegi 8 taoen poenapa saged anteng?

Jèn manoe kodrating PANGÉRAN, prajoginipoen laré wiwit sakolah oemoer 9 taoen, awit ingrikoen pantjen sampoen wantjinipoen wiwit medal (toewoeh) èngetan oetawi pikiranipoen. Sadaja djempolan-djempolan poenika anggénè saged rak sampoen sepoeh oemoeripoen, angsalipoen sami sinaoe. Kadjawu ingkang djan mbloer oetawi gblog temenan.

Déné jèn sampoen langkoeng saking 32 taoen poenika adat kalimrahanipoen sampoen kendo, nglo-kro. Saladjengipoen sok wangsoel dateng salah satoenggal. Mila wonten ingkang pikoen oetawi kawastanan kapilaré, noesoeh, spn.

Jèn wonten salah satoenggiling tjang sampoen loengsé wantji, mangka taksih remen oetawi poeroen mikir, poenika tandja sanget jèn petjating nalar loemèngkèt. (Pr. A. Th. Edison sampoen joeswa sapinten).

Adatipoen tjang kados makaten poenika saged dados poedjangga oetawi sanèsipoen sabangsanipoen. Nanging noen inggih pinten procent kèwawon ingkang saged klampah.

Loegoenipoen jèn dipoen - gegas tjang poenika ingkang saged sepoeh, kendo, nglokro: badan. Pikiran lan pikadjengan kados boten poeroen. Tandanipoen: wonten satoenggiling tjang sampoen sepoeh (loengsé wantji) slepènipoen isi pangilon

boender. La tjebi kanggé poenapa poenika?

Nitik nginggil oemoer brahi wiwit 17 doemoegi 24 taoen. Dados poenapa tjang oemoer 32 taoen sapangnggil boten kenging aiket blangkong, djas djeblagan adasèn.

Pamanggih koela noen inggih kengang - kenging kèwawon angger boten angenèm - enèmi. Kados ta: rasoekan djeblagan tjemeng adasi petak. Djeblagan petak, adasi tjemeng. Makaten saladjengipoen ingkang saged angsal semoe, boten tjelèh. Djeblagan tjemeng kedah èngèt kaproeanipoen; ngiring (oer-mat) temanten, poenapa ngiring lajon.

Milanipoen koela matoer makaten, awit kala mangsa wonten oeleman ingkang mawi pranatan bab anggèng-anggèn (agem - ageman). Mangka ingkang dipoenolemi boten namoeng para nèm-nèman kèwawon.

KAKI TOEWA.

Katerangan wewahan ing bab laré wantji 1 taoen doemoegi 8 taoen.

Anak koela nalika oemoer antawisipoen 8 taoenan, remenipoen dateng kapoer lan potlood nglangkoengi dateng jatra. Médja, kori, koersi, saka sami dipoenorèk - orèk, wonten wangoen endas kéwan, iroeng pétroek, locomotief, auto oetawi bus, lan sapanoenggilanipoen. Soewèkan tanggalan sebetan dipoenklempakaken, swalikipoen dipoen-gambari oetawi dipoenangkani. Sandjangingipoen kartjis peken.

Jèn dipoensoekani tjoewilan kretas boten djamak bingahipoen, inggih poenika preloe kanggé orèk-orèkan. Dipoenotembasaken sabak lan grip malah dados tedaning rajap.

Jèn dipoenkèn njerat oetawi nggambar, alèngkak - lèngkok boten poeroen. Nanging manawi wonten tjang mlebet sentong ètok - ètok tilem oetawi nggarap damel, ladjeng nggèrèt koersi ngadep médja, oerek-oerek.

VAN LITH - STICHTING.

POENAPA
woelan poenika
Pandjenengan
sampoen ambajar
Contributie
V. L. S.?

Pangreh V. L. S.

Bijz. H. I. S.

MAGELANG.

Saka-saka, pipi kori dipoenèmpèki gambar-gambar goentingan saking catalogus oetawi gambar saking sanès.

La, poenika jèn laré.

Jèn dipoenpitakèni, sapa sing ngorèk-orèk koersi iki maoe, namoeng mèsam - mèsam. La, sarèhnè bisa ngorèk - ngorèk, ija bisa ngre-siki. Hara djadjal ndjoepoek gombal kanggo ngoesapi, bèn ilang. Poenika inggih manoe. Nanging bèn-djing-èndjing, noen inggih dipoen-orèk-orèk malih.

K. Tw.

„KINDERVRIEND”.

Poenapa ta tegesipoen titel ing nginggil poenika? „Kindervriend” tegesipoen mitraning laré-laré, dados ingkang prajogi sanget kanggé laré-laré (moerid-moerid).

Déné ingkang kanggé titel mekatèn poenika „Courant” ingkang kawedalaken wiwit tanggal 1 Juli poenika. Menggah ingkang damel adada ngwontenaken Courant waoe, inggih poenika Padoeka Rama Sebastians, ingkang djoemeneng pangèngan para Katholiek ing Blitar.

„Kindervriend” poenika kawedalaken kanggé moerid-moerid ing pamoeangan andap: pamoeangan andap Welandi H. C. S. H. I. S. angka kalih lan sekolahan doesoen. Sarèhning kanggé laré ingkang kenging kawastanan boten sami basa (kabethanang sinaoe maos) mila isining „Kindervriend” waoe, inggih kanggé basa tigang warni: Welandi, Djawi lan malih basa Majoe.

Serat kabar waoe kadadosan saking dlanjing kawan kebèt, ingkang kalih kebèt kanggé tjarijos basa Welandi, ingkang sakebèt basa Djawi, sanèsipoen kanggé basa Majoe lan kaperloean sanèsipoen ingkang perloe-perloe. Déné tjarijosipoen ingkang basa Djawi oegi kaserat nganggé aksara Latjin.

Déné toedjoening „Kindervriend” waoe:

I. Soepados moerid-moerid saged maos lanjahl lan ngertos soeraosipoen. Mila isinipoen kapilih ingkang sa-

POESPITA MANTJA WARNA.

BABAGAN MISSIE.

MADAGASKAR.

III.

Tjatjahing tjang priboemi ingkang Katoelik goenggoeng kempal sadaja wonten 369.000; poenika mirid pèntangan ing taoen 1927. Dados ing samangkènipoen sampoen saged mindak malih; awit nitik koepija lan kawontenanipoen ing samangké tjang priboemi kagebak ratjak sampoen boten kipa-kipa babar-pisan ing atasipoen agami Katoelik; mandar katingal sami moeloeng sanget, sami kapi adreng badé tjandoek lawoeng kalijan para oetoesan Dalem.

C. Gesangipoen tjang priboemi Katoelik.

Sarèhning ing wingi ngoeni tjang priboemi poenika goegon - toehon sanget, tan kendat anggènipoen sami wiloejdengan, poenapa déné goemampil sanget ing prakawis idjab liripoen manawi tjang djaler lan pawèstri sampoen raji kamba karesnanipoen oetawi manawi toekar paben sawatawis, tetangsoeling idjab gampil kapetotaken alijas ladjeng sami pegatan, poenapa malih wajoeq poenika boten klebet ing wewaler, kakongang-kengingaken kèwawon, pramila toemrapipoen para Imam oetoesan Dalem ing sakawitipoen rekaos sanget badé anjirnakaken goegon-toehon poenapa déné njam-poenaken lan moeljakan idjab, soepados tjang priboemi sampoen pegatan oetawi wajoeq malih; éwasamanten ing saslot - selotipoen inggih saged, lan ing sapoenika-nipoen kawontenanipoen sampoen adamel mareming manahipoen para misisionaris. Prakawis pegatan oetawi prakawis goegon-toehon awis sanget, sampoen mèh boten katindakaken babar pisan déning para tjang Katoelik. Gesangipoen ratjak-ratjak sami salaras kalijan anggering Pangéran lan Pasamoewan Soetji; dateng pangandika lan piwoelanging para Imam angemen - emenaken sanget; kerep sami sowan Grédja, ngaken dosa lan kerep anampi Panoenggal Soetji, poenika boten namoeng trimah ing dinten Ngahad oetawi dinten ageng, nanging oegi ing dinten nglangké, dinten sanèsipoen. Moegi - moegi kawontenanipoen Missie Djawi makatena oegi; moegi sadèrèk Djawi Katoelik oegi sregepa sowan ing Grédja tapi panoenggil Soetji boten mligi ing dinten Ngahad lan Rijadi, nanging oegi dinten sanèsipoen. Ing sapoenikanipoen kerep sanget kalampah: ing dinten nglangké Grédja Djawi mèh prasasat soewoeng bloeng;

ingkang andèrèk Koerban loehoer Mis Soetji kenging kapètang.

Kadjawu poenika tjang Madagaskar Katoelik inggih kasinoengan watak wantoening rasoeq, sami kapidereq anggènipoen badé toemoet-toemoet amijaraken kratoning Sri Nata Jésoes Kristoes; pramila ambijantoe sanget dateng rama Imam, ngwontenaken pakempalan sociaal mawarni-warni, ingkang saged anggèndèng sadèrèkipoen ingkang sami dèrèng ngrasoek Katoelik. Katah ingkang sami katarik; boten kirang tjang priboemi sagolongan oetawi sadoesoen lan sadoekeoh ingkang ladjeng ngatoeri rama Imam, perloe njadong piwoelang Dalem oetawi ingkang ladjeng sami jasa Grédja pijambak kados ingkang sampoen kelampah oegi wonten ing Goentoer - Geni bawah Gandjoeran ing Ngajogjakarta. Pangadjeng - adjenging Djalaran: moegi-moegi sadèrèk Djawi Katoelik, langkoeng-langkoeng para prijantoe goeroe ing pamoeangan Missie lan sanèsipoen, saja mindakmindaka ingkang katoemoesan wateking rasoeq, ingkang anggadahi djatining raos Katoelik, sami poeroena ambijantoe para Imam oetoesan Dalem, toemoet-toemoet amijaraken karaton-Dalem, ngwontenaken pakempalan „sociaal” mawarni-warni, ingkang saged moerakabi golongan Katoelik lan golongan sanès, poenapadéné ingkang saged anenarik sadèrèk koela Djawi ingkang taksih moek-moek wonten petepeteng, dateng djatining Pepadang soemoenar, ingkang anelahi sadèngaha tjang ingkang poeroen. Missie Madagaskar sageda dados katja-benggalanipoen Missie Djawi. Manawi tjang Madagaskar, ingkang sami noenggil rah kalijan sakoela sadaja tjang Djawi, katjonggah samanten, boten adjriah anggerbanaken baoc lan arta perloe angadjengaken Missienipoen, poenapaa sakoela sadèrèk Djawi Katoelik, badé kantoen. Soemangga sami tjantjoet tali-wanda, namboet kardi sesarengan anggajoeq idam-idaman kita adi loehoeng amijaraken kraton Dalem Sri Nata Jésoes Kristoes wonten ing noesa woetah rah koela, noesa Djawi — „Soemangga, soemangga, sadaja ingkang sami sardjoe sampoen ngantos kantoen.” Makaten pangowoehipoen Djalaran.

Sanès dinten ngladjengaken Madagaskar malih.

DJALARAN.

kinten tjotjog kalijan basaning moerid-moerid waoe.

II. Kanggé nggigah manahipoen laré-laré, soepados sami djor-djoran kalijan moerid-moerid ing pamoeangan sanès, ingatasipoen prekawis saé. Mila ing „Kindervriend” inggih asring isi karangan bab kawontenaning pamoeangan ingkang saged nggoegah manahipoen moerid-moerid dateng prekawis waoe, sarta menawi wonten karanganing laré, ingkang saé, kenging kalebetaken ing „Kindervriend”, kanggé nggajoeq toedjoe waoe, ngiras ngagengaken manahipoen, lan minangka gandjaraning padamelanipoen laré waoe.

III. Dados srana pamersoedi. Mila ing ngrikoe oegi asring wonten tjarijos ingkang saged nggèndèng manahipoen laré - laré dateng tindak oetami, oetawi moerih nggetingi piawon.

IV. Damel senenging manahipoen moerid, sarana dongèng ingkang loetjoe-loetjoe, dongènging satokèwan, wit-witan, wajah, lan dongèng kina sanèsipoen.

„Kindervriend” poenika kawedalaken sewoelan kaping kalih, tanggal 1 lan 15, déné reginipoen mawimawi sekolahanipoen.

Laré setoenggal ing H. C. S. oet. sekolahan Welandi f 0,10.

Laré H. I. S. setoenggal f 0,05.

Laré angka kalih oet. sekolahan doesoen setoenggal f 0,02², sadaja waoe ing saben woelan.

Milanipoen soemangga para sadèrèk (para goeroe) sami ngendikakna bab poenika dateng para moerid, kadawoehana toembas serat kabar: „Kindervriend”. Ingkang nger-sakaken kenging moendoet proef-nummer roemijin jèn boten lengganen kedah kawangsoelaken, jèn boten kawangsoelaken kaanggep lengganen. Artanipoen njoewoen kabajar roemijin.

Adresipoen: Pastoeri BLITAR.

Déné jèn badé nglebetaken tjarijos (kabar) ingkang tjotjog kalijan ingkang kasebat ing nginggil, inggih dipoentampi tangan kekalih, kanti genging atoe pamoeuwen.

Ing woewana sadèrèng-sasampoenipoen, koela matoer noewoen dateng para tjalon lengganen, sarta ingkang karsa nglebetaken kabar ing „Kindervriend”.

Pamoedji koela moegi-moegi ser-at kabar énggal, „Kindervriend”, poenika sageda widada lan soeboer gesangipoen kanti wiloejdeng.

Gendari Manah.

KOEMAWANI NEMPOEH ABANG-ABANG.

Nalika tanggal 30-6-30 wantji djam 7.30 sonten, margi lori rosan ingkang nradjang margi ageng ing antawisipoen Kartasoera — Poerwasari, wonten lori momot rosan badé kabekta dateng suikerfabriek Kartasoera (Gembongan). Kotjapa, lori doemoegi satengahing margi, ageng toekang djagi gerdoe sampoen masang ting ingkang akatja abrit dipoenatjoengaken ing tengah margi. Doemadakan hoenjoeg-hoenjoeg montor A. A. no. do ré mi fa saking kilèn. Nanging mas Sopir ingkang ambeg koemaloengkoeng kami-poeroen nratas ing sisih kiwa. Ananging montor boten saged teroes tindak, trimah saré wonten ing margi tram Solo — Bajalali. Mas Sopir mandap sarwi ngadjak paben kang djagi gerdoe. Oenglipoen: Wong awèh tanda kok ana pinggir.” (O! Mas Sopir bok adja sok moering-moering, wong sing loepoet dèwèké dèwé djé, semang moering-moering. Bok nèk njopir adja sok ngantoeq, moendak noemboek-noemboek).

Tanpa tedèng aling-aling: Roekamta.

CORRESPONDENTIE.

Heriot: toenggilipoen minggoe ngadjeng. Bab abonné 566, adrès pangénan koela leres; expediteur ingkang lepat; sampoen dipoentjarjosi; sanèsipoen matoer noewoen!

— Abon. no. 685, teroes dipoenkintoeni; sad. Sap. dèrèng, badé kakintoenan.

— sad. Oentoeng minggoe ngadjeng.

712. Kados-poendi kintoenanipoen f 1,50. Poenapa sampoen kaeroes?

R. Padmaséwaja Boengkal Panaraga: pandjenengan nomer pinten—.

O E R A P - S A R I

(PETIKAN SERAT-SERAT KABAR SANÈS).

K A B A R K A T H O L I E K.

Gerah dalem I S. K. S. Rama.

Ngarsa dalem Pius XI, sawatawis dinten kapengker gerah, sapoenika sampoen dangan.

Rembagipoen para dokter ngarsa dalem kaatowan ngaso, lan nilar Roem sawatawis dangoenipoe.

Missietoonstelling.

Salebetipoen woelan Djoeni, ing Vatikan wonten missietoonstelling ageng-agengan, mitontonaken pisoengsoeng-pisoengsoeng ingkang kaoendjoekaken dateng K. S. Rama, ing salebetipoen taoen-sèket taoenan dalem. Barang-barang ingkang kapitontonaken, katjarijos katah pigoenipoen toemrap Missie.

Tentoontellik poenika waoe kapitontonaken tijang katah, ing salebetipoen sawatawis woelan.

Missie ing tanah Tjina.

Kala taoen 1901, vicariaat ing Peking wonten djiwanipoen Katholiek 38559.

Taoen 1916, adegipoen Apost. Vicariaat Paoting Foe, sarta kapisah saking Peking, djiwanipoen 76.196. Koekoeban Peking ladjeng kapérang-pérang.

Th. 1912, adegipoen Apostol. Vi-

cariat Tientsin, djiwanipoen 47.432.

Taoen 1922, adegipoen Apost. Prefectuur ing Lyhsien djiwanipoen Katholiek 28.575.

Taoen 1926, adegipoen Apost. Vicariaat Soeanhoeafoe, djiwanipoen Katholiek 27.644.

Taoen 1929, adegipoen missie Yhsien djiwanipoen Katholiek 2.490. Peking pijambak gadah djiwa Katholiek 277.966.

Dados djiwa Katholiek ingkang kala taoen 1901 wonten 38.559, sareng taoen 1929 wonten 406.694.

Imam bangsa Tionghoa ingkang soewaoe 30 saged dados 215; waoenipoenan wonten Grédja 11, dados 130, kapellen ingkang waoenipoen 115, dados 1414; sakolahan ingkang waoenipoen 125 dados 1.726.

Audientie.

Ngarsa dalem K. S. Rama nampi pisowanipoen mgr. Aerts ing Nieuw Guenia, ingkang ladjeng ngatoeraken pakarjanipoen missie ing tanah waoe. Ngarsa dalem ngalembana déné ing atasipoen Nederland ingkang boten sapintena katahipoen djiwa Katholiek, kok katah ingkang pikantoeke timbalan njamboet damel wonten missie.

K A B A R O E M O E M

I N D O N E S I A

Onderwijsraad.

Toewan J. Toot bédjng sawangsoelipoen saking perlop dateng Éropah, kaangkat dados gedelegeerd lid ing Onderwijs raad. Toean G. Boswinkel, sapoenika gedelegeerd lid Onderwijs, kaangkat dados adviseur voor de handleiding wonten salebeting departement B. B.

Djawi — Polen.

Tilpoen radio tanah Djawi dateng Polen, wiwit tanggal 27 Juni, kabikak kanggé oemoem.

Dangoening omong-omongan ti-gang menoet waragad f65, langkoengipoen saking ti-gang menoet kedah mbajar f21,70 saben same-noet.

Pandhuisdienst.

Wiwit tanggal 1 Djanowari 1931, grija-grija pagantosan ing afdeling tanah Batak gewest Tapanoei, Balige, sami katoetoe. (Ladjeng grijanipoen pagantosan sami kadamel poenapa? Red.)

Inlandsche Meerderheid.

Paréntah ngadjengaken rantjangan wet toemrap éwahing wekdal wiwit toemapaking dadapoeken Volksraad tjara énggal (Inlandsche Meerderheid); kaesoelaken wiwit toemapak tanggal 15 Juni 1931.

Assistent kebon dipoen-glati.

Dèrèng dangoe poenika, ing onderneming Lima Poeloch wonten assistent kebon bangsa Roeslan, anama Boris Dynine, pénakanipoen djéndral Dynine, dipoen-glati koeli bangsa Djawi lebetipoen ngantos 13 cM. Prakawisipoen: kaengetaken anggenipoen mlebet kasèb.

SAKING NGAJOGJAKARTA.

P. P. K. D.

Parepatan warga kala 28 lan 29 Juni, amoetoes: 1. Sad. Darga ka-angkat dados komisaris hoofdbestuur. 2. Statuten dipoenéwahi ngantos sadaja tijang Priboemi Katholiek ing Indonesia saged katampèn dados warga. 3. Nama P. P. K. D. sapoenika ateges: *Perkoempoelan Politiek Katholiek di Djawa*. 4. P. P. K. D. badé toemandang ngadjengaken onderwijs sarana ngadani stichting sareng-sareng kalijan P. K. W. lan P. W. K., kanamakaken: *"Nationale Onderwijs Stichting 'Trijoso'"*. 5. Ngawontenaken partij discipline babar pisan mawi dispensatie. 6. Ngedegaken spaarfonds; 7. Njagawaken candidatu Volksraad: 1. I. Kasima, 2. L. Sarman lan 3. Rm. Soejadi.

P. K. N.

Ing Ngajogja wonten parté énggal, anama *Parté Kawoela Ngajogjakarta*, dipoenpangarsani B. P. A. Soerjadiningrat.

Studieopdracht kanggé adjunct landbouwconsulent.

Salebeting afdeelsverslag katjarijosaken bilih katah warga sami neda soepados salebetipoen taoen 1931 poenika wontena adj. landbouwconsulent satoenggal oetawi langkoeng ingkang kakitoenaken dateng Nederland preloe sinaoe.

Warga Raad van Indie.

Bédjng Agoestoes poenika, de-lèr A. J. L. Couvreur kèndel saking anggenipoen dados lid Raad van Indie.

Déné ingkang anggentosi tjalonipoen t. van Sandick goepernoer Soematra Wétan ingkang tjalon wangsoel saking prelop. (*Het Nieuws*).

Mr. Koesoemo Soemantri.

Mr. Koesoemo Soemantri, katepakèn kaboeitjal dateng Banda.

Tijang oemoer 120 taoen langkoeng.

Tijang sepoeh anama Kasan, ing doesoen Sambang, Batang, katjarijos oemoeripoen sampoen langkoeng saking 120 taoen, nanging badanipoen taksih kijat sanget, boten ompong, boten boedeg, boten la-moer. (*Warna Warta*).

Baji anèh.

Ing doesoen Soember Nanas, (Kesambèn) Kediri, kawartos wonten tijang ngalahiraken anak èstri soekoenipoen sakawan, tangan sakawan, koeping tiga. (*Sin Tit Po*).

Studieclub Indonesia.

Pandjenengan sampoen kerep mireng, Ind. Studieclub Soerabaja badé ngedegaken gedong Nationaal. Malah kanggé adeging gedong waoe pikantoeke dananipoen tijang Indonésier ingkang namanipoen kanggé wados, katahipoen f 30.000.

Kala dipoenpitakèni wakilipoen Ind. Court., dr. Soetomo voorzitter Studieclub mratélakaken bilih Studieclub waoe njamboet damel wonten salebeting kalangan economie lan sociaal. Djanganipoen studieclub badé ngedegaken gedong Nationaal ingkang saged soeka toentoean panggoela-wentah batos lan lahir toemrap economie, industrie toewin dagang dateng tetijang Indonésia wonten ing poendi-poendi.

Pasitèn ingkang dipoendegi gedong Nationaal djemberipoen 8000 M². Woedjoedipoen gedong Nationaal Soerabaja, tjalonipoen ageng, lotèngipoen kanggé Bank Nationaal. Ing ngandap dipoenpranata kados grija pakempalan soedijan papan seneng-senengipoen para nénéman ingkang taksih sakolah, dipoensoekani ngongrongan kanggé njamboet damel, kadékekan piano, lss. Kiwa tengening gedong dipoensoekani paviljoens, ingkang satoenggal papan pangetjapanipoen s.k. Swara Oemoem, satoenggalipoen kanggé bibliothek oemoem. Saoeroeting Peterstraat dipoendegi toko djédjèr-djédjèr, isi padaganganipoen tetijang siti. Ing papan sanès, oeroet wates, dipoendegi grija-grija sakolahan, kénging kaséwa sakolahan-sakolahan partikelir gadahanipoen tijang siti. Pakawisan ingkang tengah ladjeng kaanggé papan main tennis, mawi dipoensoekani gapoera éndah. Sangadjenging hoofdgebouw dipoendegi pendapa, soedijan papan parepatan, kraméjan, pista mantèn, lss. Pendapi poenika waoe wonten sambetanipoen kalijan hoofdgebouw ngantos manawi wonten tetingalan tijang saged ningali saking pendapi. Ing pakawisan nglebet dipoenwonteni bioscoop blak-blakan preloe kanggé mitontonaken prakawis kasasaran oet. prakawis sanès, ingkang tjalon pikantoeke bijantoenipoen Dienst Kasasaran. Grija-grija sakolahan waoe manawi ngleresi libero, kaséwakaken kanggé preloe sanès.

Waragadipoen kanggé ngedegaken gedong, manoeit rantjangan

f 150.000, lan sapoenika sampoen wonten arta f 50.000. Sataoen engkas, gedong saged rampoeng; ngadeg.

Oelam saganten, ageng.

Satoenggiling djoeroe misaja oelam ing Tjilatjap saged noembak oelam ageng, wawratipoen 6 datjin, kasadé padjeng f 30. (A. I. D.)

Prov. Djawi Tengah kedah saged ngirid f 50.000.

Saking Betawi wonten dawoeh winados, salebeting kalangan B. B. Priboemi ing prov. Djawi Tengah kedah saged damel pangirid f 50.000. Ingkang kadjabah ngigoehaken Goepernoer.

Sampoen kaesoelaken srana-srananipoen ngirid, oep. patih dipoen-sampiri pandamelanipoen wedana, ladjeng aseseboetan: patih-wedana. Kawedanan ingkang sampoen wonten patihipoen, kamanah boten preloe dipoenwonteni wedana. Margi makaten waoe ing Djawi Tengah tjalon wonten tirahan wedana 20. Nanging wedana waoe boten ladjeng dipoenkèndeli; kapindah dateng papan sanès ingkang kénging dipoensoekani wedana. Patih ingkang sampoen telas dtenst-ipoen ladjeng dipoenpeksa kedah pènsjoen, dipoen-gentosi wedana ingkang sampoen njekapi dienst-ipoen kanggé benoeman. Lowongan boepati lan residèn boten kasasa-sesa ladjeng dipoenisèni.

Residénan-residénan katah ingkang éwah. Afd. Blora, Rembang, Pati, kadadosaken satoenggal, resident-ipoen manggèn ing Rembang. Afd. Grobogan, Djepara lan Koedoes kadadosaken satoenggal, resident-ipoen manggèn ing Koedoes. Afd. Semarang, Kendal lan Demak, kadadosaken satoenggal, resident manggèn ing Semarang. Banjoemas Lèr lan Kidoel, ingkang sapoenika gadah resident pijambak-pijambak, tjalon namoeng dipoensoekani resident satoenggal. Semanten oegi Kedoe lan Wanasaba, resident-ipoen manggèn ing Kedoe.

B. B. Priboemi boten badé gampil neda pindah. Neda pindah ingkang margi kasasaran, anakipoen boten saged sakolah Walandi, . . . lss., boten badé kaparengaken.

Nanging, . . . sadaja prakawis ing nginggil waoe taksih kaanggé wados. (*Bahagia*).

Assistenten mindak bajaranipoen.

Sawenèhing onderneming sata ageng, manoeit tjarijosiipoen *Deli Courant* damel sirkoelel dateng para assistenipoen asoeraps wiwit tanggal 1 November taoen poenika, nasibipoen badé kasaèkaken.

Semanten oegi administrateur, wiwit panénan tjandakipoen poenika blandjanipoen ingkang soewaoe f 675, kairidaken dados f 750.

Djaman ngirid, . . njopoti tijang.

Saking Soerabaja, Aneta njarijosaken dajaning pangiridan katingal sanget wonten panggaotan-panggaotan teknik. Droogdok Soerabaja, mentas motjoti poenggawa 300. Du Croo Brauns oegi ngirangi poenggawa.

Standplaatstoelage soeda.

Wiwit tanggal 1 Januari 1931, panggenan-panggenan kaseboet ing ngandap poenika, standplaatstoelagenipoen sami soeda, malah wonten ingkang itjal babar pisan.

Bandoeng	8	5%
Solo	3	0%
Djokja	3	0%
Tjimahi	5	3%
Betawi	10	8%
Semarang	5	3%
Magelang	3	0%
Bogor	5	3%
Soekaboemi	5	3%

Soerabaja taksih lestantoe sadasa presèn.

Margi soedaning standplaatstoelagenipoen poenika karantjangan saged ngirid arta samlijoen roepijah.

Boven Digoel.

Delèr Hillen ingkang tinanggenah mriksa kawontenanipoen Digoel, njarijosaken kawontenan kasasaran ing ngrika awon sanget, mila pamboetjalan kedah dipoenelih. (*Het Nieuws*).

Preangerbode njarijosaken tjatjahipoen baji lahir ing Digoel ing sataoenipoen wonten 120. Kalijan larélaré alit sapoenika sampoen wonten 2.142 tijang. Koran waoe ngoewatosaken manawi larélaré waoe ketoeclaran mérah saking tjatjah sepoehipoen. Preangerbode mastèkaken pamboetjalan ing ngrikoe: itjal. Nanging boten sadaja tijang boetjalan kaantoeaken; wonten ingkang dipoenpindah, wonten ingkang kawangsoelaken.

Pamedalipoen Nagari soeda 20 mlijoen.

Doemoegi wekasanipoen woelan April, goenggoeng kempalipoen pamedal Nagari wonten f 182.519.526; mangka doemoegi wekasan April taoen kapengker pamedal waoe goenggoeng wonten f 202.448.270., dados soeda 20 mlijoen.

Katrimah iksamenipoen.

Mejuff. Welter, poeta delèr Welter, Vice-president Raad van Indie,

ONTJÈN SEKAR GAMBIK MELATI.

BEGROOTING NAGARI TAOEN 1931.

Nalika koela ngrembag „Pangiridan taoen 1931” ing Sw. T. no. 20, koela mawi tjarijos:

„Tjoepeting waragad Nagari makaten tjara alitanipoen sami kalijan tjoepeting arta salebeting grija oet kutumba. Manoeit wèting boedi leres, brajat makaten waoe langkoeng roemijin, kedah njidikaken wedaling artanipoen. Wedaling arta ingkang boten patos perloe, oet. boten perloe babar pisan kedah dipoenitjali, apes kasoeada. Dados boten kok ladjeng toes manah kepriji enggonkoe ngoendakaké pametoe?

Angoegemi wawaton poenika, koela mrelokaken andjinggleng wedaling arta ingkang andjalari Nagari ladjeng ngoepados indaking pamedal, sarana ngindakaken paos warni-warni.

Ing ngriki pandjenengan kedah boten kesoepe bilih wedaling arta waoe, toemrap Paréntah sampoen mesti kapanggali perloe sadaja.

Kosok-wangsoelipoen, para ingkang ketaman, mesti boten wegah njatikèken wedaling arta ingkang kamanah boten patos perloe.

I. Kaseboet ing *Financieele Nota*, pamedalipoen Nagari ing taoen 1931 karantjangan wonten f 517.396.476.

Arta semanten mlijoen poenika, ingkang tjalon kawedaken kanggé Oorlog lan Marine kémawon wonten f 135.575.000, oetawi 26,2% nipoen arta ingkang katampi (Oorlog f 71.738.000; Marine f 30.371.000; Pènsjoen kanggé militèr f 33.466.000).

Manawi pandjenengan mriksani rantjangan wedaling arta sadaja wonten f 517.079.332, pandjenengan saged métag wedaling arta kanggé Wadyabala waoe, mèh wonten 25% nipoen uitgaven sadaja.

Soemerep wedaling arta kanggé karisakan Samodra lan Daratan samanten katahipoen, kawoela ngriki saged katoewoehan pitakènan: „Apa wetoening doewit kanggo Marine lan Oorlog samono kehè, koewi ora kena diirid satitik-titika? Apa ja pantjen perloe tenan njantosakaké Marine lan Oorlog?? Djaréné: ngèsti tentreming bawana. Apa arep madani Djerman lan Frankrijk kang angrantjangan wetoening doewit kanggo wadyabala ing tn. '30 ± f 350 joeta, lan f 300 joeta?

Manawi koela satitèkaken, mindaking wedalipoen rantjangan wedaling arta kanggé barisan Laoetan lan Daratan waoe, wonten 7 mlijoenan toemandja kanggé pirantos-pirantos perang énggal: ndandosaken baita perang, montor maboer, lss.

Manawi ingkang sampoen kelad-jeng dipoen-garap makaten, barang sampoen keladjeng, boten dados poenapal Ingkang koela goemoeni poenika déné kok ndadak ngran-tjangan ndandosaken énggal malih, oep.: 6 groote verkenner, 6 kruiservliegtuigen, 25 reserve motoren, kanti regi langkoeng saking kalih mlijoen roepijah.

II. Kantor Statistiek.

Waragad tjap-tjapan kairidaken f 23.000. Toembas mesin énggal 3 kanggé tjatjah-djiwa-dagang (3 nieuwe automatische controleapparaten voor handelsstatistiek).

Poenapa poenika, inggih boten kénging kairid, oet. kasarantosaken?

III. B. O. W.

Ing Djember, badé dipoendegi pakodjaran énggal, tjekap tijang 500 — 600, ragad f 200.000.

Poenapa poenika inggih boten kénging kasandèkaken? Djaré dek taoen '20 bloewèn-bloewèn isi wong koendjaran 57.000, saiki moeng: 40.000?

*) = Bajang-bajang sependjang badan.

Europ. *Kweekschool*. Soerabaja pikantoeke gedong énggal, wragad f 50.000. Bandoeng dipoendegi Eur. *Lagere School* A. waragad f 70.000.

Jèn waragad gedong E. L. S. Bandoeng kasoeda, kasamèkaken kémawon kalijan waragad Eur. *Kweeksch.* Soerabaja, . . . ateges saged ngirid pinten?

Ing Soerabaja dipoendegi gedong énggal kanggé poenggawa personil militèr, ambtenaar, biro, goedang kanggé marine, tangsi kanggé onderzeedienst, lss. nelasaken waragad f 480.000 lan f 795.000 . . . Poenapa poenika inggih boten kénging kasandèkaken, oet. kairid?

Ing Weltevreden, dipoenwonteni grija gedong hoofdcommissariaat van politie . . . waragad f 300.000, . . . poenapa poenika inggih perloe sasètoe?

Kanggé andandosi oet. andamel kreteg lan margi, karantjangan nelasaken waragad f 5.479.000. (kala taoen 1930 karantjangan f 4.471.000, . . . dados mindak samlijoen langkoeng). Anggenipoen mindak samanten waoe katjarijosaken kanggé ngaspal (asfalteering).

Nanging, poenapa inggih boten kénging dipoenirid, oepami satengah mlijoen kémawon?

IV. Arta kékésahan.

Kanggé wragad kékésahan papriksa, nginsepèksi lss. ing salebetipoen nagari (binnenlandsche reizen der amtenaren) para prijantoe dipoen-soedijani arta kawan welas mlijoen roepijah. (Dados poenika waragad buitenlandsche reizen dèrèng kapétang).

O . . . poenapa poenika inggih boten kénging dipoenlongi??

Tjekak, manawi dipoentlesihaken teksih katah rantjangan wedaling arta ingkang pantjenipoen kénging kasoeda oet. kasarantosaken.

Anggenipoen Nagari ngran-tjangan tjalon mewahi grija pagantosan 50 langkoeng, poenika sami kémawon kalijan angkeni kamlat-rataning kawoela ing ngriki.

Ewadéné sanadjan sampoen pirsas kados makaten, kamlataran waoe taksih dipoenimbeti sarana kairidaken sasanggènipoen paos!

Mila, anteping manah koela teksih tetep kados ing Ontjèn no. 20, . . . kirang-kirang begdjanipoen, anggenipoen

Paréntah ngawontenaken pangiridan (tegesipoen: ngindakaken paos), saged dados paran toetoehan nglemèni widji Roesland.”

Nagari pirsas terang „Pametoekoe tjaloné soeda. Nanging [kénging poenapa ndadak ngran-tjangan toembas barang awis, ingkang pantjen kénging kasarantosaken?

Poenapa patrap makaten poenika boten kénging kawastanan njontoni awon dateng tjang Indonésia ingkang kerep kaengelaken „ora bisa njekel doewit, marga enggonkoe ngetokaké loewih akèh tinimbang tampané?” Manawi Nagari saged toetoe-toetoe: „Zet de tering naar de nering”) kedah inggih noeladani sampoen ngantos kalebet ing babasan: „Besar pasak dari pada tiang.”

Kuminingsasèlè 29 Juni '30.

Taklim: Patjar Mèrah.

N. B. Ontjèn no. 26, temboeng ngalah ing pérangan rede Koesoema Oetayan (ninggill), leresipoen ngolah. (corrector).

nembé poenika katarimah anggenipoen nempoeh doctoraal examen in het Nederlandsch Strafrecht, wonten nagari Walandi.

Lindoe.

Tilgram Aneta saking Padang tanggal 27 Djoeni, njarijosaken: angleresi ngadjengaken djam sada-sa, lan djam 11.20, wonten lindoe santer kaping kalih. Redi latoe Merapi, koekoespoen katah sanget.

Kongsi film Tionghoa.

Kawartos ing Batawi wonten kongsi film Tionghoa énggal anama Chung Hua Film Corporation. T. Tam Boen Soan tilas redacteur Keng Po toemoet dados.

Houtvester dipoenbetahaken.

Sampoen dangoe nagari ngihtijari soepados katah para nénéman poeroen dados houtvester, pangageng wana.

Tijang wedalan pamoelangan ing Nederland manawi dados houtvester wiwitan saged pikantoeke bajar f 400.

Sasampoenipoen njamboet damel 6 taoen, pikantoeke blandja f 600 sawoelan, lan kalih dasa taoen malih

saged pikantoeke bajar f 1.100.

Manawi ladjeng saged dados inspecteur pikantoeke bajar inggil-inggilipoen f 1.250, manawi dados dienstvakhoofd f 1.350, déné manawi ladjeng saged dados hoofinspecteur blandjanipoen f 1.500.

Pendak 6 taoen sapisan, houtvester saged angsal prelop 8 woelan dateng Europa lan inggih pikantoeke verlofssalaris.

Manawi panjamboet damelipoen sampoen kalih dasa taoen, sampoen pikantoeke wewenang pènsjoen.

Wragad postpakket soeda.

Wragad postpakket saking tanah ngriki dateng Nederland, Suriname, wiwit tanggal 1 Djoeli poenika dipoenedakaken.

Parésidénan ing Priangan Kilèn.

Residentie Priangan Kilèn, ingkang kadadosaken saking afd. Soekaboemi lan Tjandjoer, manoeit pamirengipoen Preangerbode bokmanawi kémawon badé dipoenitjali. Tjandjoer ladjeng badé kalebetaken Priangan Tengah, déné afd. Soekaboemi kalebetaken fad. Buitenzorg.

